

17 SEP 2003

AGONG UTUS PERUTUSAN TAHNIAH KEPADA CHILE

KUALA LUMPUR, Sept 17 (Bernama) -- Yang di-Pertuan Agong Tuanku Syed Sirajuddin Syed Putra Jamalullail menghantar perutusan tahniah kepada Presiden Chile, Ricardo Lagos Escobar sempena Hari Kebangsaan negara itu.

"Semoga Tuan Yang Terutama dikurniakan kesihatan yang baik serta keamanan, kemajuan dan kemakmuran kepada rakyat Chile," titah Seri Paduka.

Menurut kenyataan Wisma Putra di sini hari ini, Perdana Menteri Datuk Seri Dr Mahathir Mohamad juga menghantar perutusan serupa kepada Escobar.

"Saya berharap agar hubungan mesra yang sedia wujud antara kedua-dua negara dapat diperkukuhkan pada masa depan untuk kepentingan rakyat bersama," katanya.

Dr Mahathir juga berkata beliau berhasrat untuk bertemu dengan Escobar sekali lagi pada Sidang Kemuncak Kerjasama Ekonomi Asia Pasifik (APEC) di Bangkok bulan depan.

Menteri Luar Datuk Seri Syed Hamid Albar juga menghantar perutusan yang sama kepada rakan sejawatannya Maria Soledad Alvear Valenzuela.

-- BERNAMA

RBZ AHH DC RHM